

四庫全書

史部

欽定四庫全書

史部

欽定歷代職官表卷四十三

給事中_臣劉涓履勸

纂修_臣吳樹萱

謄錄拔貢生_臣吳躍鳴

御前乾清門侍衛

周
虎賁
下大夫

[illegible][illegible][illegible][illegible][illegible]

宿衛 衮 宿衛 宿衛 侍衛

衛前左五中
衛前左五五
衛前右五五
衛前軍

衛 侍 等 三	衛 侍 等 二
張 士	周 中士 中士 中士
五 官 侍 郎 左 署 侍 郎 右 署 侍 郎	中 部 郎 左 署 郎 右 署 郎
五 官 侍 郎 左 署 侍 郎 右 署 侍 郎	五 官 郎 左 署 郎 右 署 郎
	綏 將 副 將
左 右 衛 郎 左 署 郎 右 署 郎	羽 林 郎 左 署 郎 右 署 郎
左 右 衛 郎 左 署 郎 右 署 郎	羽 林 郎 左 署 郎 右 署 郎
左 右 衛 郎 左 署 郎 右 署 郎	羽 林 郎 左 署 郎 右 署 郎
左 右 衛 郎 左 署 郎 右 署 郎	羽 林 郎 左 署 郎 右 署 郎
左 右 衛 郎 左 署 郎 右 署 郎	羽 林 郎 左 署 郎 右 署 郎
左 右 衛 郎 左 署 郎 右 署 郎	羽 林 郎 左 署 郎 右 署 郎
左 右 衛 郎 左 署 郎 右 署 郎	羽 林 郎 左 署 郎 右 署 郎
左 右 衛 郎 左 署 郎 右 署 郎	羽 林 郎 左 署 郎 右 署 郎
左 右 衛 郎 左 署 郎 右 署 郎	羽 林 郎 左 署 郎 右 署 郎
左 右 衛 郎 左 署 郎 右 署 郎	羽 林 郎 左 署 郎 右 署 郎
左 右 衛 郎 左 署 郎 右 署 郎	羽 林 郎 左 署 郎 右 署 郎
左 右 衛 郎 左 署 郎 右 署 郎	羽 林 郎 左 署 郎 右 署 郎

領侍衛內大臣

國朝官制

三旗領侍衛內大臣六人

正一品鑲黃正黃正白三旗每旗各二人

內大臣

六人

正一品

散秩大臣無定員

正一品班次從二品銜三品俸

領侍衛內大臣掌統領侍衛親軍與內大臣散秩

大臣俱先後

宸御左右翊衛出入扈從

國初以八旗將士平定海內鑲黃正黃正白三旗皆

天子所自將爰掄其子弟命曰侍衛用備隨侍宿直統以勲戚大臣而宗室之秀外藩之侍子亦咸得以選預環列焉凡輪直殿庭以領侍衛內大臣等總統之若祭祀

朝會燕饗

時巡

大閱則率其屬以執事領侍衛內大臣皆由特簡內大臣亦如之散秩大臣由

特恩簡授無定額其勲舊後裔世襲者以次承襲

御前侍衛

乾清門侍衛俱無定員

於三旗侍衛內擢用

一等侍衛三旗六十

人宗室九人

正三品

二等侍衛三旗一百五十人宗室十

八人

正四品

三等侍衛三旗二百七十人宗室六十三人

正五品

藍翎侍衛三旗九十人

正六品

漢人侍衛無定員

一分

二三等及藍翎侍衛品秩俱同

掌宿衛扈從更番輪直凡六班班分兩翼宿衛

乾清門

內右門

神武門

寧壽門為內班宿衛

太和門為外班

行幸駐蹕宿衛如

宮禁之制扈從前導領侍衛內大臣侍衛班領帶領
執豹尾鎗侍衛佩長把刀侍衛扈從隨行侍衛班

領委署侍衛班領侍衛按隊扈從隨行其散秩大臣侍衛什長帶領執纛親軍扈從隨行

大閱則按隊環衛各共其事其分司執守者有粘杆處侍衛三十四人上駟院侍衛二十四人養鷹狗處侍衛九人善撲處武備院及諳達侍衛無定員皆統於三旗員額順治初以漢蔭生簡選侍衛尋罷康熙二十九年以武進士之嫻騎射者擢置侍衛附于三旗三十七年設宗室侍衛雍正三年于藍

翎侍衛中選其材技為四等侍衛後仍為藍翎侍衛五年定制武進士一甲一名授一等侍衛二名三名授二等侍衛在二甲者得選三等侍衛三甲者選藍翎侍衛七年以宗室侍衛併入三旗舊設三旗印務班領十二人班領十二人乾隆三十六年改印務班領為一等侍衛班領為二等侍衛凡侍衛十人則設之長三旗侍衛什長六十人宗室侍衛什長九人

親軍校鑲黃旗二十五人正黃旗二十六人正白旗二

十五人

正六品

掌率其屬隨侍衛以執事所轄藍翎長三旗各八人親軍鑲黃旗二百七十七人正黃旗二百九十五人正白旗二百八十七人舊設親軍校四十五人後增置乾隆四十年增委署親軍校七十七人

鑲黃旗二十五人正黃旗正白旗各二十六人

主事一人署主事二人

於筆帖式內題署

筆帖式三旗各四人

貼寫筆帖式三旗各九人

掌章奏案牘繙繹文移

歷代建置

三代

周禮天官宮正上士二人中士二人下士八人府
二人史四人胥四人徒四十人掌王宮之戒令糾

禁以時比宮中之官府次舍之衆寡

賈公彥疏以
時校比官府

在宮中者
及宿衛者

宮伯中士二人下士二人府一人胥二

人徒十人掌王宮之士庶子凡在版者授八次八

舍之職事

鄭康成注伯長也衛王宮者必居四角四中于徽候便也鄭司農云庶子衛王

宮在內為次
在外為舍

鄭康成周禮藁人注卿大夫士之子弟宿衛王宮

王應麟王海魯公之子伯禽衛康叔之子牟齊太
公之子伋俱事成王伯禽牟伋蓋宿衛國子也

毛應龍周官集傳陳傳良曰環衛有二其一是公
卿大夫之子弟分置八隅宮伯領之一是凡宮中

官府之徒役錯置於士庶子八次八舍之間宮正領之皆屬冢宰宮伯所掌在漢時為郎衛屬郎中領宮正所掌在漢為兵衛屬衛尉

葉時禮經會元宮正宮伯所掌皆郎衛也官府次舍在宮中有故而令宿者宮正掌之卿大夫之嫡子庶子入衛王宮者宮伯掌之眠朝則司士正其儀大事則諸子掌其政此入直環列之衛也虎士八百人先後王而趨以卒伍居則守王宮舍則守

王閑眠朝則在路門之右虎賁氏掌之而旅賁氏屬焉此奔趨擁護之衛也

謹案周制以宮正為王宮宿衛官之長而宮伯掌宿衛士庶子以環侍周廬大抵非王族即功臣之後俾親勲世胄執戈戟以宿直王宮無腹心之虞而有承弼之益於法制最稱詳審秦漢以後此制既廢環衛官多失其職我

朝以上三旗子弟充選侍衛而領以勲戚重臣規

則昭垂蓋鑒周典而益加精密矣今以侍衛官
制準之周禮宮正當如今之領侍衛內大臣宮
伯當如今之內大臣而宮伯所領衛士在王宮
之四角四中分置八隅則又兼近今護軍統領
之職蓋當時宿衛者皆統於一官無所區別也
尚書小序武王戎車三百輛虎賁三百人戰于牧
野孔安國傳勇士稱也若虎賁言其猛也

孟子武王之伐殷也革車三百輛虎賁三千人趙

岐注虎賁武士

黃震日鈔三千人書序作三百傳聞異辭

周書立政王左右常伯常任準人綴衣虎賁孔安國傳虎賁以勇力事王皆左右近臣宜得其人

周禮夏官虎賁氏下大夫二人中士十有二人府二人史二人胥八十人虎士八百人掌先後王而

趨以卒伍軍旅會同亦如之舍則守王閑王在國

則守王宮

賈公彥疏在外守王閑則為周衛在國亦為周衛也

旅賁氏中士

二人下士十有六人史二人徒二人掌執戈盾夾

王車而趨左八人右八人車止則持輪凡祭祀會

同賓客則服而趨

鄭康成注夾王車者其下士也下士十有六人中士為之帥焉

王與之周禮訂義胡安國曰康王初立太保俾齊

侯呂伋以虎賁百逆于南門外伋太公望子以勲

德世臣總司禁旅虎賁勇士宿衛王宮其為國家

計深遠矣

國語魯語天子有虎賁習武訓也韋昭注訓教也

虎賁掌先後王而趨舍則守王閑在國則守宮門

所以習武教也

謹案周之虎賁旅賁有下大夫中士下士之別
與今侍衛分頭二三等及藍翎者最為脗合又
夏官司士云虎士在路門之右司戈盾云授旅
賁及虎士戈盾亦與今侍衛職掌相同至齊侯
呂伋以王室懿親爵列公侯入典禁旅則正今
領侍衛內大臣之職所由昉也

韓非子說疑凡術也者主之所執也法也者官之

所師也然使郎中日聞道於郎門之外以至於境
內日見法又非其難者也外儲說郎中皆曰兵秋
起攻韓犀首為將於是日也郎中盡知之於是日
也境內盡知之

謹案秦王與犀首計攻韓樗里疾道穴聽之則
其地亦甚密矣而郎中皆知之則秦之郎中侍
左右可知漢三署郎職掌蓋倣乎此又考韓非
子內儲說齊中大夫有夷射者御飲於王醉甚

而出倚於郎門門者則跪進曰足下無意賜之
餘漚乎夷射曰叱去刑餘之人何事乃敢乞飲
長者則跪走退及夷射去則跪因捐水郎門雷
下類溺者之狀外儲說晉文公曰吾民之有喪
資者寡人親使郎中視事有罪者赦之貧窮不
足者與之戰國策趙策趙王有此尺帛何不令
前郎中以為冠王郎中不知為冠補註曰郎中
官不獨秦淮南子人間訓楚令尹子國伏郎尹

而答之三百註郎尹主郎官之尹也據此則春秋戰國時齊楚晉趙諸國皆有郎署官明矣其以郎中為近侍之臣則又秦制之所自昉也

秦

顏師古急就篇注郎中令掌宮殿門戶及從官秦所置

謹案郎中令之官始于秦時而秦始皇本紀又有近官三郎之稱司馬貞索隱云三郎謂中郎

外郎議郎是秦亦有三署郎與漢制相仿特史
文不備耳

漢

漢書文帝本紀皇帝即日夕入未央宮夜拜宋昌
為衛將軍領南北軍張武為郎中令行殿中

漢書張安世列傳更為衛將軍兩宮衛尉城門北
軍兵屬焉

史記周勃世家拜勃為虎賁令

班固西都賦虎賁綴衣闥尹闥寺陛戟百重各有
典司李善注尚書周公曰綴衣虎賁漢書曰太后
盛服坐武帳武士陛戟陳列殿下也

漢書百官公卿表郎中令秦官

臣瓚注主郎內諸
官故曰郎中令

掌宮殿掖門戶有丞武帝太初元年更名光祿勳
胡廣曰勳之言闔也闔者
古主門官也光祿主宮門屬官有大夫郎又期門

羽林皆屬焉大夫掌議論有太中大夫中大夫皆
無員多至數十人太初元年更名中大夫為光祿

大夫秩比二千石太中大夫秩比千石如故郎掌
守門戶出充車騎有中郎侍郎郎中皆無員多至
數千人中郎秩比六百石郎中比三百石中郎有
五官左右三將秩皆比二千石郎中有車戶騎三
將秩皆比千石期門掌執兵送從武帝建元三年
初置比郎無員多至千人有僕射秩比千石平帝
元始元年更名虎賁郎置中郎將秩比二千石羽
林掌送從次期門武帝太初元年初置名曰建章

營騎後更名羽林騎又取從軍死事之子孫養羽
林官教以五兵號曰羽林孤兒羽林有令丞宣帝
令中郎將騎都尉監羽林秩比二千石

漢紀惠帝紀郎中令掌宮殿門戶宿衛屬官武帝
更名光祿勳

程大昌雍錄張安世持橐簪筆事孝武皇帝十數
年此即今世侍從之事也蓋安世嘗為光祿勳

楊雄光祿勳箴經兆宮室畫為中外廊殿門閨限

以禁衛國有固衛人有藩籬各有攸保守以不岐
昔在夏殷桀紂淫湎持午之飲門戶荒彌郎雖執
戟謁者參差殿中成市或室內鼓輦忘其廊廟而
聚失逋逃四方多罪載號載呶內不可不省外不
可不清德人立朝義士充庭祿臣司光敢告執經
惠士竒禮說周之內宰猶漢之內卿內卿光祿也
漢初為郎中令後轉為光祿勳其府在宮中故曰
內卿胡廣曰勳之言闇也闇者古主門官光祿主

宮門故曰勲然則古勲閤通矣易艮卦九三厲熏
心虞翻云古閤字作熏艮為閤坎盜動門故厲閤
心書曰黜黜詩云昏桷桷與黜通去陰之刑也故
箋云昏官名桷庵人韓詩曰若無此皐勲胥以痛
勲猶昏也言天昏札瘥相灑汗而病漢書贊云嗚
呼史遷重胥以刑蓋謂腐刑即詩所謂昏桷也爾
雅昏為強力勲為功勞故勲昏通周之閤人屬內
宰司昏守夜給使省閤亦不全用宦者而漢光祿

勲掌期門羽林卽內宰之人民也期門掌執兵送
從羽林次之又取死事之孤養之羽林名曰孤兒
如周之死政之孤司門以其財養之者養孤而兼
及其老則周之忠厚踰於漢矣

雍錄漢世之謂侍從者以其職掌近君也行幸則
隨從在宮則陪侍故總攝凡最而以侍從名之也
武帝之詔嚴助曰君厭直承明之廬勞侍從之事
助時為中大夫是之謂中朝臣中朝臣者唐以來

名內諸司也謂其職任得在內朝故皆冠以中字也

謹案中大夫屬于光祿勳者也以其近侍左右故謂之中朝臣考管子山權數賜若服中大夫注若汝也中大夫齊爵也韓非子外儲說王登為中牟令上言於襄王曰中牟有士曰中章胥已者其身甚修其學甚博君何不舉之主曰子見之我將為中大夫相室諫曰中大夫晉重列

也今無功而受非晉臣之意漢世中大夫之名
蓋昉於此

宋書百官志中散大夫平帝時置

漢書如淳注郎中令主郎中左右車將主左右車
郎左右戶將主左右戶郎

漢書蓋寬饒列傳遷諫大夫行郎中戶將事顏師
古注郎中令屬官有郎中戶將主戶衛也

漢書楊惲列傳補常侍騎

顏師古注為騎郎而常侍故謂之常侍騎也

遷中郎將郎官故事令郎出錢市財用給文書乃
得出名曰山郎移病盡一日輒償一沐或至歲餘
不得沐其豪富即日出遊戲或行錢得善部貨賂
流行轉相倣效憚為中郎將罷山郎移長度大司
農以給財用其疾病休謁洗沐皆以法令從事郎
官莫不自厲絕請謁貨賂之端宮殿之內翕然同
聲由是擢為諸吏光祿勲親近用事

漢書王嘉列傳以明經為郎坐戶殿門失闌免光

祿勲子永除為掾

漢書蕭由列傳為衛將軍掾

漢書東方朔列傳武帝微行常用飲酎已八九月
中與侍中常侍武騎及待詔隴西北地良家子能
騎射者期諸殿門故有期門之號

錢文子補漢兵志期門至千人或曰三百人羽林
七百人或曰羽林郎百一十八人左右騎各八九
百人皆以三輔六郡良家子補期門羽林

漢書地理志武帝選天水隴西安定北地上郡西河凡六郡補羽林以材力為官名將多出焉

陳元粹補漢兵志注漢舊儀羽林從官百人取三輔良家子自給鞍馬按漢用六郡良家補羽林期門蓋三輔園陵賴為藩蔽趙充國傳以六郡良家子善騎射補羽林甘延壽傳少以良家子善騎射為羽林

漢書霍光列傳羽林監任勝

謹案漢京師有南北軍之屯南軍衛尉主之掌
宮殿門衛屯兵當如今之護軍統領北軍中尉
主之掌巡徼京城當如今之提督九門步軍巡
捕五營統領而光祿勳統三署諸郎專司殿內
門舍則正如今之領侍衛內大臣故易被謂光
祿勳乃親近天子之官別為一府非即南軍而
漢書儒林傳稱光祿勳王龔以外屬內卿如淳
注謂光祿勳治宮中故稱為內卿者是也其所

謂三署諸郎乃五官中郎將左中郎將右中郎將所屬而別有郎中車戶騎三將亦率車郎戶郎騎郎以隸于光祿勳皆即今之侍衛漢書趙廣漢傳富人蘇回為郎二人劫之廣漢曉賊曰此宿衛之臣也是其明證而又有光祿大夫太中大夫中散大夫等皆無員額惟入直禁廷以聽任使則頗近今之散秩大臣當時選郎皆以明經孝廉賢良方正及衣冠子弟充之故劉向

揚雄皆嘗執戟宿衛說者謂其猶有三代遺制
惟武帝以後增置羽林期門始以六郡良家材
力勇健者充其選觀霍光傳載太后坐武帳中
期門武士陛戟陳列殿下則其職亦最為親近
故一時名將多出其中蓋頗近今之

御前侍衛

乾清門侍衛矣

後漢書百官志光祿勳卿一人中二千石掌宿衛

宮殿門戶丞一人比千石五官中郎將一人比二千石主五官郎五官中郎比六百石五官侍郎比四百石五官郎中比三百石皆無員凡郎官皆主更直執戟宿衛諸殿門出充車騎左中郎將比二千石主左署郎中郎侍郎郎中皆無員右中郎將比二千石主右署郎中郎侍郎郎中皆無員虎賁中郎將比二千石主虎賁宿衛左右僕射左右陞長各一人比六百石僕射主虎賁郎習射陞長主

直虎賁朝會在殿中虎賁中郎比六百石虎賁侍
郎比四百石虎賁郎中比三百石節從虎賁比二
百石皆無員掌宿衛侍從羽林中郎將比二千石
主羽林郎羽林郎比三百石無員掌宿衛侍從常
選漢陽隴西安定北地上郡西河凡六郡良家補
本武帝以便馬從獵還宿殿陛巖下室中故號巖
郎羽林左監一人六百石主羽林左騎丞一人羽
林右監一人六百石主羽林右騎丞一人光祿大

夫比二千石太中大夫千石中散大夫六百石無
員凡大夫皆掌顧問應對無常事唯詔命所使凡
諸國嗣之喪則光祿大夫掌吊

後漢紀光武紀李通為光祿勳

洪适隸續司徒掾梁休碑仕郡歷五官

下闕遂察孝

廉除郎中光祿主

闕

辟司徒府光祿雖有主簿而

戴就傳云舉孝廉光祿主事注引風俗通云光祿
奉時上就為主事此碑光祿主之下未可斷以為

簿也

王楸野客叢書陳蕃為光祿勳范滂為主事以公儀詣蕃執版入閣至坐蕃下奪滂版滂投版振衣而起郭泰責蕃曰以級階言之滂宜有敬以類數推之至閣宜省敬止在門漢世三公之禮與百僚絕席如此之異至入坐之禮則殺矣此有以見其大畧沈約宋書亦嘗引以為言

謹案光祿勳主事主簿之名可以補後漢志之

闕

錢文子補漢兵志中興以五官左右虎賁郎將併將中郎侍郎郎中而廢車戶騎三將

杜佑通典虎賁中郎將主虎賁宿衛冠挿兩鵞尾紗縠單衣虎文錦袴有虎賁中郎虎賁侍衛虎賁郎中節從虎賁皆父死子繼若死王事亦如之

後漢書陰興列傳興為黃門侍郎守期門僕射將武騎從征伐平定郡國興每從出入常操持小蓋

障翳風雨躬履塗泥率先期門

張衡東京賦郎將司階虎戟交鉞李善註言虎賁
中郎將主夾階而立虎賁或執戟或持鉞而相對
也交鉞謂交加而設兵器也

謹案後漢光祿勳所屬惟省車戶騎三將其三
署郎及虎賁羽林之制一如西京後漢書禮儀
志載國有大事虎賁羽林郎中署皆嚴宿衛五
官左右虎賁羽林五將各將所部執虎賁戟屯

殿端門陞左右廂又章懷太子注引蔡質漢儀
天子幸德陽殿臨軒虎賁羽林弧弓撮矢陞左
右戎頭偏脰陪前向後左右中郎將住東西羽
林虎賁將住南北五官將住中央据此則五官
左右虎賁羽林五將皆有令侍衛之職而馬第
伯封禪儀記云車駕宿奉高遣虎賁郎將先上
山案行國家升山在臺上北面虎賁陞戟臺下
則又如今之前導後扈也又考後漢郎將多典

兵漢紀靈帝紀中郎將盧植左中郎將皇甫嵩
右中郎將朱儁各持節征黃巾獻帝紀東中郎
將董卓屯渑池中郎將牛輔屯安邑其餘中郎
校尉布在諸縣不可勝紀而當時又有使匈奴
中郎將鮮卑中郎將則中郎將又多用以典邊
兵蓋禁衛近臣奪武於外可備腹心之寄也

三國

三國蜀志先主列傳光祿勳黃權

常璩華陽國志光祿大夫義陽來敏

三國蜀志杜微列傳遷諫議大夫五官中郎將

三國蜀志秦宓列傳尋拜左中郎將

三國蜀志董允列傳允遷為侍中領虎賁中郎將

統宿衛親兵

謹案建安二十六年蜀黃龍甘露碑載五官中

郎將一人碑陰載中郎將十三人考續漢百

官志五官中郎將一人左中郎將右中郎將虎

賁中郎將皆不著員數是碑建于建安二十六年而同時稱中郎將臣者十三人以無常員故也至稱五官中郎將者止一人與漢志所云卿一人者合故知蜀承漢制也

華陽國志常璩州命辟從事入為光祿郎中主事

○何隨郡辟功曹州辟從事光祿郎中主事除安

漢令蜀亡去官○董允嘗與典軍義陽胡濟大將

軍禕共期遊宴命駕將出郎中襄陽董恢造允修

敬自以官卑年少求去

三國蜀志向朗傳朗兄子寵為中部督典宿衛兵
三國蜀志後主列傳殿中督張通

謹案蜀漢宿衛之官其制皆沿漢舊惟中部督
殿中督諸名漢制未見為蜀所創設蓋亦宿衛
之長也

三國魏志許褚列傳褚遷武衛中郎將武衛之號
自此始也文帝踐祚遷武衛將軍都督中軍宿衛

禁兵甚親近焉

通典建安末改光祿勳為郎中令魏黃初元年復為光祿勳

洪适隸釋魏公卿上尊號奏有郎中令臣洽彭城之內有漢司徒袁安魏中郎徐庶等數碑

三國魏志張遼列傳黃初三年遼朝洛陽以遼所從破吳軍應募步卒皆為虎賁

曹植謝賜柰表中虎賁傳詔賜臣等冬柰一奩

宋書百官志穴從僕射魏世置

謹案曹魏始置武衛將軍以統宿衛禁兵蓋即
今領侍衛內大臣之職其穴從僕射當如今散
秩大臣之職至光祿勳雖尚沿舊制而其職既
分事權不屬僅存虛名宜至晉而宮門屯衛遂
專屬之左右衛矣

三國吳志三嗣主列傳永安元年武衛將軍恩為
御史大夫

三國吳志孫綝列傳使光祿勳孟宗告廟

三國吳志三嗣主列傳太平元年五官中郎將刁
元告亂于蜀

三國吳志樓元列傳孫皓用元為宮下鎮禁中候
主殿中事元從九卿持刀侍衛正身率衆奉法而
行

謹案武衛將軍魏所創置而吳亦有之蓋即襲
用魏制至宮下鎮禁中候其官前未經見當亦

金史卷八十八 職官十三
初設于吳觀樓元持刀侍衛則職甚親近疑即
漢之虎賁羽林郎將也

晉

胡三省資治通鑑注晉武帝受禪置中軍將軍統
宿衛七軍尋罷已而復置

晉書職官志中領軍將軍魏官也文帝始置武帝
初省使中軍將軍羊祜統二衛前後左右驍衛等
營即領軍之任也懷帝永嘉中改中軍曰中領軍

江左以來領軍不復別領營總統二衛騎驍材官
諸營資重者為領軍資輕者為中領軍屬官有長
史司馬功曹主簿五官左右衛將軍文帝初置中
衛及武帝受命分為左右衛以羊琇為左趙序為
右並置長史司馬功曹主簿員江左罷長史
通典魏末晉文王置中衛將軍武帝受禪分中衛
為左右衛將軍並置佐史皆掌宿衛營兵銀章青
綬武冠絳朝服佩水蒼玉

宋書百官志殿中將軍殿中司馬督晉武帝時殿
內宿衛號曰三部司馬置此二官分隸左右二衛
江左初員十人朝會宴饗則將軍戎服直侍左右
夜闕城諸門則執白虎旂監之

晉書職官志陳騶為殿中典兵中郎將遷將軍
晉書王遜列傳轉殿中將軍

晉書職官志光祿勳統虎賁中郎將羽林郎將哀
帝興平二年省孝武寧康元年復置

冊府元龜光祿勳晉後不復居禁中又無三署郎
唯外官朝會則名列焉爾後雖取漢代舊名其職
則別矣

謹案晉以領護左右衛驍騎游擊為六軍而領
軍及左右衛專司宿衛禁兵實即今領侍衛內
大臣之職其殿中將軍殿中典兵中郎將殿中
司馬督則即今之侍衛也至光祿勳雖沿故號
而不復居于禁中已非漢制之舊至北齊而遂

為典膳之官令並別載入光祿寺篇不著于此
表以符其實云

宋齊梁陳

宋書百官志領軍將軍一人掌內軍左衛將軍一
人右衛將軍一人掌宿衛營兵左中郎將右中郎
將虎賁中郎將穴從僕射羽林監先各置一人宋
太宗太始以來多以軍功得此官今無復員殿中
將軍殿中司馬督江左初員十人宋高祖增為二

十人其後過員者謂之殿中員外將軍司馬督其
後並無復員武衛將軍無員宋世祖大明中復置
代殿中將軍之任

宋書文帝本紀元嘉元年南蠻校尉到彥之為中
領軍

胡三省資治通鑑注江左以直閤將軍出入省閤
總領宿衛又宿衛之官有細鎧主細鎧將細仗主
等又隊有隊主副仗有仗主副

南史王敬則列傳補刀戟左右宋前廢帝使敬則跳刀撫髀拍張甚為儼捷補俠轂隊主領細鎧左右明帝以為直閣將軍

司馬光資治通鑑宋文帝元嘉二十八年殿上將

軍黃延年

胡三省注殿上將軍當是宋所置

元嘉三十年齊師張

超之

胡三省注齊師主齊內仗衛

武帝大明二年虎賁主龐孟

蚪

胡三省注虎賁主主虎賁士

南齊書百官志領軍將軍中領軍為中小輕同一

官也置長史司馬五官功曹主簿左右二衛將軍
置司馬次官功曹主簿以下左右二中郎將虎賁
中郎將冗從僕射羽林監殿中將軍員外殿中將
軍殿中司馬督武衛將軍自二衛以下謂之西省
南史茹法亮列傳直後徐僧亮

南齊書茹法珍列傳徐世檨自殿內主帥為直閣
將軍

隋書百官志梁武受命官班多同宋齊之舊領軍

左右衛將軍左右中郎將虎賁穴從羽林三將軍
殿中將軍武騎之職皆以分司丹禁侍衛左右天
監六年置左右驍騎左右游擊將軍位視二率又
置朱衣直閤將軍以經為方牧者為之其以左右
驍游帶領者量給儀從陳承梁皆循其制官

資治通鑑梁承聖元年以兄子頊為領直

胡三省
注梁宿

衛之官有四廂領直蓋
領直衛之士因以名官

隋書韋載列傳永定元年遷騎驍將軍領朱衣直

閣驍騎之職舊領營兵兼統宿衛自梁代以來其任逾重出則羽儀清道入則與二衛通直臨軒則陞殿狹侍時人榮之號曰狹御將軍

謹案江左諸朝皆以領軍中領軍及左右二衛統領宿衛禁兵而梁陳以後令驍騎游擊將軍兼朱衣直閣與二衛通直則亦令內大臣之任至南史載宋蕭嶷以侍中總宮內直衛王敬則以輔國將軍領臨淮太守知殿內宿衛兵事皆

以他官兼領則事出一時非常制也又直閣將軍殿上將軍鎧主隊主仗主虎賁主殿內主帥齋帥四廂領直直後等官皆不見于史志蓋俱侍衛之職特因所掌而異其名耳

北魏

魏書官氏志驃騎將軍車騎將軍衛將軍第一品下左衛將軍從二品上武衛將軍右衛將軍從第二品下羽林中郎將第三品下羽林中郎羽林郎

將從第四品上戟楯虎賁將軍募員虎賁將軍從
第四品下虎賁司馬虎賁郎將宿衛將軍從第五
品上羽林郎從第五品下戟楯虎賁司馬募員虎
賁司馬高車虎賁司馬戟楯虎賁將募員虎賁將
高車虎賁將高車羽林郎從第五品下二衛主簿
宿衛統虎賁郎從第六品上戟楯虎賁募員虎賁
高車虎賁從第六品下宿衛幢將從第七品上宿
衛軍司馬宿衛軍吏第九品上虎賁軍書令史第

九品下

楊銜之洛陽伽藍記御道東有左衛府御道西有右衛府

冊府元龜魏以驃騎車騎武衛為三將軍分掌禁旅當爪牙禦侮之寄

魏書于烈列傳除領軍將軍咸陽王禧求羽林虎賁執仗烈曰領軍但知典掌宿衛理無私給

洛陽伽藍記景仁會稽山陰人也正光年初從蕭

保寅歸化拜羽林監

資治通鑑宋元嘉三年魏內三郎豆代田

胡三省注魏宿

衛之官也三郎將領之又按魏道武帝天興初置幢主幢將主內三郎內三郎衛士也

元嘉

七年魏加豆代田散騎常侍右衛將軍領內都幢

將

胡三省注百人為幢幢有帥柔然之法也魏幢將主三郎衛士直宿禁中者自侍中已下中散

已上皆統之

元嘉十一年魏入內行長代人陳建

胡三省注

入內行長魏官也蓋選勇力之士入直禁中行長則其部帥也

元嘉二十七年魏

擒王羅漢使三郎將守之

胡三省注三郎將蓋主內三郎元嘉二

十九年魏羽林郎中代人劉尼殿中尚書源賀俱

典兵宿衛

胡三省注羽林郎自漢以來有之漢羽林郎秩比三百石郎中可以概推矣魏

以劉尼為羽林郎中與殿中尚書俱典兵宿衛則其位任蓋重於漢朝也梁普通二年

魏以奚難當為千牛備身

胡三省注御左右有千牛刀謂之防身刀千牛

備身執千牛刀以侍左右者也魏直後元思輔

胡三省注直後官直閣之屬也

魏書爾朱榮列傳以榮為領左右

胡三省通鑑注領左右千牛備

身也

魏書爾朱世隆列傳肅宗末為直齋轉直寢後兼

直閣加前將軍

魏書崔孝直列傳為宣威將軍仍以本官入領直
後

謹案冊府元龜稱魏驃騎車騎武衛為三將軍
分掌禁旅然考之于史魏世專司宿衛者仍屬
領軍左衛右衛三官通鑑載魏廣平王懷至太
極西廡呼侍中領軍黃門二衛胡三省謂此二
衛即左右衛將軍而魏書載于烈于忠父子世

為領軍將軍總率禁衛者是也其驃騎車騎雖嘗為領軍加官而實非宿衛之本職冊府元龜蓋考之未審矣至領左右一官吏志失載而爾朱榮高歡等皆嘗以宰輔兼之則其職較重當亦如今之領侍衛大臣也

洛陽伽藍記唯有中大夫楊元慎給事中大夫王昀是中原士族

謹案北魏猶存中大夫之名其云給事中大夫

則猶給事中禁也與漢光祿勳所屬者職掌尚

同

北齊

隋書百官志後齊領軍府將軍一人掌禁衛宮掖
朱華閣外凡守衛官皆主之中領軍亦同有長史
司馬功曹五官主簿錄事釐其府事又領左右衛
領左右等府左右衛府將軍各一人掌左右廂所
主朱華閣以外各武衛將軍二人貳之直閣屬官

有朱衣直閣直閣將軍直寢直齋直後之屬又有
武騎雲騎將軍各一人驍騎游擊前後左右等四
軍將軍左右中郎將各五人武賁中郎將羽林監
各十五人冗從僕射三十人騎都尉六十人積弩
積射強弩等將軍及武騎常侍各二十五人殿中
將軍五十人員外將軍一百人殿中司馬督十五
人員外司馬督一百人領左右府有領左右將軍
領千牛備身又有左右備身正副都督左右備身

五職左右備身員又有刀劍備身正副都督刀劍
備身五職刀劍備身員又有備身正副督備身五

職員

北齊書高歸彥列傳除領軍大將軍領軍加大自
歸彥始也乾明初拜司徒仍總知禁衛

謹案北齊以領軍府總左右衛及領左右二府
之事是領軍獨專宿衛之司其職甚重故當時
如平秦王歸彥瑯邪王儼等皆以懿親為之蓋

領軍如今領侍衛大臣而左右衛將軍領左右將軍則其副也至領軍因平秦王歸彥始加大字而琅邪王儼傳又有右衛大將軍趙元侶其人則是左右衛後亦並加大字蓋其委寄亦不亞於領軍矣

後周

周書趙貴獨孤信列傳初魏拜爾朱榮柱國大將軍魏文帝復以太祖為之自大統十六年以前任

者八人太祖位總百揆廣陵王欣從容禁闥此外
六人各督二大將軍分掌禁旅

胡三省資治通鑑注周置左右宮伯掌侍衛之禁
各更直于內小宮伯貳之臨朝在前侍之首行則
夾路車左右

通典後周官品正五命天官左右宮伯中大夫正
四命天官小左宮伯下大夫虎賁給事正三命天
官小右宮伯夏官右虎賁率右旅賁率右驍騎率

右羽林率等上士正二命夏官右虎賁率右旅賁率右驍騎率右羽林率倅長等中士

謹案後周以左右宮伯掌侍衛之禁令蓋仿周官而設當如今之內大臣而柱國大將軍專總禁旅則如今之領侍衛內大臣也

隋

隋書百官志左右衛大將軍一人將軍二人有長史司馬錄事功倉兵騎等曹叅軍法曹鎧曹行叅

軍各一人行參軍六人掌宮掖禁禦督攝仗衛又有直閣將軍六人直寢十二人直齋直後各十五人並掌宿衛侍從武騎常侍十人殿內將軍十五人員外將軍三十人殿內司馬督二十人員外司馬督四十人並以參軍府朝出使勞問左右領左右府各大將軍一人將軍二人掌侍衛左右供御兵仗領千牛備身十二人掌執千牛刀備身左右十二人掌供御弓箭備身六十人掌宿衛侍從左

右領軍府各掌十二軍籍帳差科辭訟之事不置將軍唯有長史司馬掾屬煬帝改左右衛為左右翊衛領軍為左右屯衛領左右府為左右備身府謹案隋置十二衛十六府以分司禁旅蓋即唐十六衛之權輿然其職事各有攸分故以今制相準如左右武侯近今前鋒營左右監門近今護軍營今已各著于表惟左右衛領左右府專司宿衛侍從正今領侍衛之職而領軍府長史

司馬掾屬亦如今侍衛處之有主事筆帖式也

唐

新唐書百官志左右衛上將軍各一人從二品大將軍各一人正三品將軍各三人從三品掌宮禁宿衛凡五府及外府皆總制焉凡五府三衛及折衝府驍騎番上者受其名簿而配以職皇帝御正殿則守諸門及內廂宿衛仗非上日亦將軍一人押仗將軍缺以中郎將代將軍掌貳上將軍之事

孫逢吉職官分紀左右衛長史各一人從六品上
掌制諸曹五府外府稟祿主伍軍團之名數器械
車馬之多少小事則專達錄事叅軍各二人正八
品上掌受諸曹及五府之外事句稽抄目印結紙
筆

舊唐書職官志親衛之府一曰親府勳衛之府二
曰勳一府曰勳二府翊衛之府二曰翊一府曰翊
二府凡五府三衛總四千九百六十三人每府曰

郎將左右郎將各一人兵曹叅軍各一人校尉各五人每校尉有旅帥二人每旅帥各有隊正副隊正各二十人五府中郎將掌領校尉旅帥親衛勳衛之屬宿衛者總其府事左右郎將貳焉番上者以名簿上于大將軍而配以職武德貞觀世重資蔭二品三品子視親衛二品曾孫三品孫四品子職事官五品子若孫勳官三品以上有封及國公子補勳衛及率府親衛四品孫五品及上柱國子

補翊衛及率府勳衛勳官二品及縣男以上子若
孫補諸衛及率府翊衛每月番上者數千人宿衛
內廡及城門給廩食執扇三衛三百人殿中省肄
習

唐六典左右衛親勳翊及左右率府親勳及諸衛
之翊衛通謂之三衛擇其資蔭凡左右衛之三衛
分為五仗曰親仗供奉仗勳仗翊仗散手仗

章如愚山堂考索左右驍衛左右武衛左右威衛

左右領軍衛左右千牛衛上將軍各一人大將軍各一人將軍各二人掌同左右衛

玉海左右衛以下皆有長史錄事倉曹兵曹騎曹
冑曹司階中候司戈執戟長上

唐六典凡兵士隸衛各有其名左右衛兵曰驍騎
威衛兵曰羽林驍衛兵曰豹騎武衛兵曰熊渠領
軍衛兵曰射聲

新唐書百官志左右羽林軍大將軍各一人將軍

各三人掌統北衙禁兵督攝左右廂飛騎儀仗左右龍武軍大將軍各一人統軍各一人將軍三人掌同羽林

謹案唐之十六衛左右衛左右驍衛左右武衛左右威衛左右領軍衛左右金吾衛左右監門衛左右千牛衛是也五府三衛者親衛一府勳衛翊衛各二府是也皆所稱環衛之官以今制準之惟左右衛掌宮禁宿衛千牛衛掌侍衛及

供御兵仗最與今領侍衛相合他若騎驍武衛
威衛領軍衛雖云掌同左右衛而兼知皇城四
面助鋪則已並有今護軍之職特其官皆以內
廂宿衛為主故仍係之此表至金吾衛掌巡警
監門衛掌諸門禁衛則職守攸殊今已別繫之
步軍護軍各統領表內又羽林龍武諸軍統北
衙禁軍當時號為天子親兵其領是軍者類多
近信之臣正今領侍衛大臣之比今亦並著於

是篇焉

五季

五代會要顯德元年十月上謂侍臣曰侍衛兵士累朝以來老少相伴強懦不分蓋徇人情不能進練今春高平與劉崇及蕃軍相遇臨敵有指使不前者苟非朕親當堅陣幾至喪敗况百戶農夫未能贍一甲士且兵在精不在衆宜令一一點選精銳者升在上軍懦怯者任從安便度期可用又不

虛費

冊府元龜五代有侍衛親軍指揮使及殿前都點檢殿前都指揮之職

葉夢得石林燕語侍衛親軍自梁起宣武軍乃以鎮兵因舊號置在京馬步都指揮使至後唐明宗遂改為侍衛親軍

五代會要周廣順四年四月改侍衛馬軍曰龍捷左右軍步軍曰虎捷左右軍殿前始于周世宗顯

德元年

歐陽修五代史論侍衛親軍此五代之遺制然原其始微矣當唐之末方鎮之兵多矣凡一軍有指揮使一人而合一州之諸軍又有馬步軍都指揮使一人蓋其卒伍之長也自梁以宣武軍建國因其舊制有在京馬步軍都指揮使後唐因之至明宗時始更為侍衛親軍馬步軍都指揮使當是時天子自有六軍諸衛之職六軍有統軍諸衛有將

軍而又以大臣宗室一人判六軍諸衛事此朝廷
大將天子國兵之舊制也而侍衛親軍者天子自
將之私兵也推其名號可知矣天子自為將則都
指揮乃其卒伍之都長耳然自漢周以來其職益
重漢有侍衛司獄凡朝廷大事皆決侍衛獄是時
史宏肇為都指揮使與宰相樞密使並執國政而
史宏肇尤專任以至于亡親軍之號始于明宗其
後又有殿前都指揮使亦親軍也

五代史景延廣列傳高祖以為侍衛步軍都指揮使又為馬步軍都虞候遷馬步軍都指揮使

五代史劉贊列傳侍衛馬軍指揮使郭崇

五代史孫晟列傳侍衛軍虞候韓通

五代史王章列傳漢高祖典禁兵補章都孔目官
五代史史宏肇列傳侍衛孔目官解暉

謹案五季始改唐制其專司宿衛者以侍衛馬
步軍都指揮使侍衛軍都虞候及殿前都指揮

使殿前都檢點為之長其下又有指揮使虞候及都孔目等官蓋亦如今領侍衛之職也至十六衛將軍雖有其名但以為外官加銜蓋名存而實已亡矣

宋

宋史職官志殿前司都指揮使副都指揮使都虞候各一人掌殿前諸班直及步騎諸指揮之名籍凡統制訓練番衛戍守遷補賞罰皆總其政令而

有都檢點副都檢點在都指揮之上後不復置入則侍衛殿陞出則扈從乘輿大禮則提點編排整肅禁衛鹵簿儀仗掌宿衛之事○侍衛親軍馬軍都指揮使副都指揮使都虞候各一人掌馬軍諸指揮之名籍凡侍衛扈從大禮宿衛所掌如殿前司官○侍衛親軍步軍都指揮使副都指揮使都虞候各一人掌步軍諸指揮之名籍侍衛扈從如殿前司○殿前司有捧日天武左右四廂馬軍有

龍衛左右四廂步軍有神衛左右四廂各有都指揮使都虞候指揮使副指揮使都頭副都頭十將將虞候承勾押官

歐陽修歸田錄舊制侍衛親軍與殿前分為兩司自侍衛不置馬步軍都指揮使止置馬軍指揮使步軍指揮使以來侍衛一司自分為二故與殿前司列為三衛也五代軍制已無典法而今又非其舊制者多矣○唐制三衛官有司階司戈執戟謂

之四色官今三衛廢無官屬惟金吾有一人每日於正衙放朝唱不坐直謂之四色官尤可笑也

謹案唐會要載司階中候司戈執戟並天授二年四月五日置蓋卽所謂四色官也唐諸衛皆有之歸田錄謂當時惟有金吾一人謂之四色官考唐六典金吾衛本有此四色官宋時于正衙放朝時猶以金吾一人當之則告朔之羊也石林燕語殿前司與侍衛司馬軍步軍為三衛其

實兩司而侍衛司都指揮外又置馬步軍都指揮使耳殿前司亦叅馬步軍而總于都指揮使

馬端臨文獻通考宗承前代之制有左右金吾衛左右衛上將軍左右驍騎屯衛領軍衛監門衛千牛衛上將軍諸衛大將軍諸衛將軍並為環衛官無定員皆命宗室為之亦為武臣之贈典大將軍以下又為武臣責降散官

張邦基墨莊漫錄國朝宗室例除環衛裕陵始以

非袒免補外官

謹案墨莊漫錄謂國朝宗室例除環衛宗文粹
載皇兄皇弟皇侄授環衛官諸誥可以考見宗
制玉海載元豐二年十六衛大將軍二百九十
四員將軍一百六十二員並宗室蓋猶沿祖宗
之制玉海又載太平興國二年安遠節度使向
拱換左衛上將軍張永德等皆罷節制歸環衛
則以勲臣及戚屬為之矣隆興復祖宗環衛官

蓋本此制

王海隆興二年五月八日壬辰進呈洪适周操討
論環衛官故事湯思退奏環衛唐時有職事本朝
無職事祖宗舊制自方鎮罷皆歸環衛先是上欲
復祖宗環衛官四月二十六日命學士院討論至
是下詔曰祖宗選用將帥以崇武節外建方鎮內
則環尹品式備具近來久不除授非所以儲才而
均任也其依舊制應以材畧聞者令兼領如節度

使則領左右金吾衛上將軍承宣使領左右衛上將軍之類既而閣門條具儀制詔以十員為額朝參侍殿依御帶例宗室不在此制仍不差戚里及非戰功人著為令二十五日詔臨安府建第舍以待環衛淳熙四年二月二十三日立環衛官格其法正任除上將軍遙郡除大將軍正使除將軍副使除中郎將使臣已下左右郎將是時李顯忠首除右金吾衛上將軍上曰在內則兼在外則否此

正如文臣館閣庶可見人才

謹案宋以殿前司與侍衛馬步司專司宿衛謂之三衙當時稱殿前都指揮使為殿帥亦曰殿巖蓋本漢代巖郎為名實即今領侍衛大臣之職特宋制凡內外屯戍之兵皆號禁軍悉以屬之殿前侍衛二司管轄於是遂獨專兵柄則歷代所未有也至環衛諸官僅有其名並無職守已全非隋唐之舊今故不著於表

王海崇寧四年二月十日己酉置三衛郎中郎博士
士二十六日詔三衛郎為侍郎親衛勳衛翊衛皆
有郎中郎

謹案王海載崇寧四年所置三衛郎中郎博士
蓋仿漢三署郎之遺制然徒有虛名不久旋廢
故今亦不著於表

沈括夢溪筆談車駕行幸前驅謂之隊則古之清
道也其次衛仗衛仗者視闌入宮門法則古之外

仗也其中謂之禁圍如殿中仗天官掌舍無官則
供人門今謂之殿門文武官極天下長人之選八
人上御前殿則執鉞立于紫宸門下行幸則為禁
圍門於行仗馬之前又有衡門十人隊長一人選
諸武力絕倫者為之上御後殿則執撾東西對立
于殿前亦古之虎賁人門之類也

遼

遼史百官志北面御帳官○侍衛司掌御帳親衛

之事侍衛太師侍衛太保侍衛司徒侍衛司空侍
衛○宿衛司專掌宿衛之事總宿衛事亦曰典宿
衛事總知宿衛事同掌宿衛事宿衛官○禁衛局
總禁衛事禁衛長○宿直司掌輪直官員宿直之
事宿直詳袞宿直都監宿直將軍宿直小將軍宿
直官宿直護衛○南面軍官○殿前都點檢司殿
前都點檢副點檢同知都點檢○侍衛親軍馬步
軍都指揮使司侍衛親軍馬軍都指揮使司侍衛

親軍步軍都指揮使司○侍衛控鶴兵馬都指揮使司○侍衛漢軍兵馬都指揮使司

謹案遼御帳諸官以貴戚為侍衛武臣為宿衛親軍為禁衛百官番宿為宿直各有司存皆如今領侍衛之職至南面官之殿前侍衛兩司與宋制正同疑所領皆漢兵故與御帳別為一職也

金

金史百官志殿前都點檢司掌親軍總領左右衛將軍宿直將軍諸局署隸焉殿前都點檢正三品兼侍衛將軍都指揮使掌從行宿衛闕防門禁督攝隊仗總判司事殿前左副都點檢從三品兼侍衛將軍副都指揮使殿前右副都點檢從三品兼侍衛將軍副都指揮使掌宮掖及行從殿前都點檢判官從六品知事一員從七品殿前左衛將軍殿前右衛將軍殿前左衛副將軍殿前右衛副將

軍掌宮禁及行從警嚴仍總領護衛左右宿直將軍從五品掌總領親軍凡宮城諸門衛禁並行從宿衛之事

金史兵志禁軍之制本于哈濟

滿洲語親也原明作合扎今改正

安哈濟者言親軍也以近親所領故以名焉貞元遷都更以太祖遼王宗幹秦王宗翰軍為哈濟明安謂之侍衛親軍故立侍衛親軍司以統之正隆五年罷親軍司置左右驍騎所謂從駕軍也置都

副指揮使隸點檢司步軍都副指揮使隸宣徽院
謹案金改侍衛親軍為殿前都點檢司蓋已合
宋之三衙為一官而宿衛以外兼防門禁則又
並有今護軍之職矣至拱衛直之隸宣徽院者
掌陳設儀仗則又近今之鑾儀衛故不著於此
表

元

元史兵志太祖功臣博勒呼

蒙古語可也原作
博爾忽今改正

博

爾濟

蒙古語兩代奴也原
作博爾木今改正

穆呼里

蒙古語純也原
作木華黎今改

正

齊拉袞

蒙古語石也原作
赤老溫今改正

太祖命其世領集賽

蒙古語班也原
作怯薛今改正

之長番直宿衛凡宿衛每三日而

一更申酉戌日博勒呼領之為第一集賽即伊克

蒙古語大也原
作也可今改正

集賽博勒呼早絕太祖命以布色

蒙古語帶也原
作別速今改正

部代之而非功臣之類故太祖以

自名領之其名伊克者言天子自領之故也亥子

且日博爾濟領之為第二集賽寅卯辰日穆呼里

領之為第三集賽已午未日齊拉袞領之為第四集賽齊拉袞後絕其後集賽常以右丞相領之凡集賽長之子孫或由天子所親信或由宰相所薦舉或以其次序所當為即襲其職以掌環衛雖其官卑勿論也及牛勞既久則遂擢為一品官而四集賽之長天子或又命大臣以總之然不常設也其他預集賽之職而居禁近者分冠服弓矢食飲文史車馬廬帳府庫醫藥卜祝之事悉世守之雖

以才能受任使服官政貴盛之極然一日歸至內

廷則執其事如故至于子孫無改非甚親信不得

預也若夫宿衛之士則謂之集賢否

原作怯薛歹
又作怯薛丹

今並
改正

亦以三日分番入衛其初名數甚簡後累增

為萬四千人揆之古制猶天子之禁軍是故無事

則各執其事以備宿衛禁廷有事則惟天子之所

指使比之樞密各衛諸軍於是為尤親信者也

元史百官志右衛左衛中衛秩正三品中統三年

初置武衛至元元年改為侍衛八年改為左右中
三衛掌宿衛扈從置都指揮使二員副都指揮使
二員僉事三員經歷二員知事二員照磨一員令
史七人譯史通事知印各一人○前衛後衛秩正
三品至元十六年以侍衛親軍旂置前後二衛掌
宿衛扈從置都指揮使三員副都指揮使二員僉
事二員經歷二員知事二員照磨一員令史七人
通事譯史知印各一人

後衛譯史通
事各二人

謹案元之四集賽以功臣之後世領宿衛與今
侍衛官員定為上三旗額缺者其制頗屬相近
至侍衛親軍世祖設五衛以象五方各置都指
揮使以領之而別無總統之官以百官志考之
蓋亦隸于樞密院也

明

明史職官志京衛指揮使司指揮使一人

正三品 指

揮同知二人

從三品

指揮僉事四人

正四品

鎮撫司鎮

撫一人

從五品

其屬經歷司經歷

從七品

知事

正八品

吏

目

從九品

倉大使副使各一人京衛各有掌印有僉

書其以恩蔭寄祿無定員凡上直衛親軍指揮使

司二十有六曰錦衣衛曰旗手衛曰金吾前衛曰

金吾後衛曰羽林左衛曰羽林右衛曰府軍衛曰

府軍左衛曰府軍右衛曰府軍前衛曰府軍後衛

曰虎賁左衛

是為十二衛
洪武中置

曰金吾左衛曰金吾右

衛曰羽林前衛曰燕山左衛曰燕山右衛曰燕山

前衛曰大興左衛曰濟陽衛曰濟州衛曰通州衛

是為上十衛
永樂中置

曰騰驤左衛曰騰驤右衛曰武驤左

衛曰武驤右衛

宣德八年置

番上宿衛名親軍以護宮

禁不隸五都督府

明會典掌領侍衛侯伯駙馬等官六員二員管錦
衣衛府軍前衛四員管三千圍營

明史兵志侍衛上直軍洪武置錦衣衛所隸有將
軍力士校尉掌直駕侍衛已又擇公侯伯都督指

揮之嫡次子置勲衛散騎舍人而府軍前衛及旗
手等十二衛各有帶刀官錦衣所隸將軍後改稱
大漢將軍凡千五百人設千百戶總旗七員永樂
中置五軍三千營增紅盔明甲二將軍及叉刀圍
子手之屬備宿衛領以勲戚官官凡六管大漢將
軍及散騎舍人府軍前衛帶刀官者一管五軍營
叉刀圍子手者一管神樞營紅盔將軍者四居常
當直將軍朝夕分候午門外夜則司更共百人而

五軍義刀官軍悉于皇城直宿掌侍衛官輪直日
一員惟掌錦衣衛將軍及義刀手者每日侍共計
錦衣衛大漢將軍一千五百七人府軍前衛帶刀
官四十神樞營紅盔將軍二千五百把總指揮十
六明甲將軍五百二把總指揮二大漢將軍八五
軍營義刀圍子手三千把總指揮八勳衛散騎舍
人無定員旗手等衛帶刀官一百八十此侍衛親
軍大較也

謹案自古周廬千列設戟百重環衛之官其職綦重周禮宮正宮伯實後世郎衛所由始其時皆以勲親入侍休戚一心法制盡善漢代三署郎多選經明行修者充之猶為不失遺意其後漸有改更如南北朝之領軍左右衛唐之十六衛宋之殿前侍衛司皆為宿衛之長而或權移宦豎或委寄非人代多流弊惟元之四集寨以功臣親信子弟世守其官最為近古明代以二

十六衛為天子親軍統以指揮使領以公侯伯
駙馬等官立法非不詳備然自永樂以後京營
悉有監視太監憲宗又命汪直提督團營禁旅
由是始專掌于中官嗣後神機三千四衛等營
城門諸局無一不以中官監之宿衛諸軍盡歸
掌握甚至領兵出征大帥悉受節制侵剋軍資
冒功掩敗百弊叢生至皇城門禁多屬錦衣衛
軍其東廠太監緝事官校亦皆從錦衣撥給由

是衛帥每出內侍私人表裏為奸擅作威福而
於禁門守衛一切置之不問衛軍役於中官常
至空伍貨市兒行丐以應點閱坐更將軍皆納
月鏹于所轄經時不至直廬當時人主晏處深
宮不接見廷臣出入起居惟有羣閹在側倒持
阿柄聽其所為浸釀厲階致傾宗社禍患所中
正不獨禁衛之積弛已也我

朝侍衛之職選上三旗中材武出衆之子弟及各

執事効力人等之可任者為之其優者擢為

御前侍衛

乾清門侍衛而統以三旗領侍衛內大臣凡熊羆之士不二心之臣無不培養生成敬共將事而諸藩之世為臣僕者亦得以子弟入侍趨走

禁闈番直有期訓習有道稽覈有法選擢有方分職設官練材于素出則當折衝之任入則備翊衛之班所以上應勾陳環拱

宸極者其規模實為闊遠矣

欽定歷代職官表卷四十三

欽定四庫全書

欽定歷代職官表卷四十四

八旗都統表

八旗都統	
<small>周加郎 逆人 逆婦 單將</small>	三代
	秦
	漢
	後漢
	三國
	晉
	<small>宋陳</small>
<small>南北朝 南人 北人 八部大</small>	北魏
	北齊
<small>六柱國</small>	後周
	隋
<small>諸折衝 都尉府 折衝府 尉</small>	唐
	五季
	宋
<small>各部大 諸折衝 王左右 節度使 宰相 各部郎 度使 各部郎 尉 詳察</small>	遼
	金
	元
	明

八旗都統

國朝官制

八旗都統滿洲蒙古漢軍旗各一人

從一品

副都統旗各

二人

正二品

分掌滿洲蒙古漢軍二十四旗之政令以宣布教
養整詰戎兵釐治土田稽覈戶口凡八旗次序以
鑲黃正黃正白為上三旗正紅鑲白鑲紅正藍鑲
藍為下五旗行軍蒐狩以鑲黃正白鑲白正藍四

旗居左為左翼正黃正紅鑲紅鑲藍四旗居右為右翼我

朝自龍興東土諸部以次削平歸附日衆

太祖高皇帝辛丑年始編三百人為一牛录每牛录設額
真一先是我國出兵校獵不論人數多寡各隨族
黨屯寨而行每人各取一矢十人設長一領之其
長稱為牛录額真至是遂以名官尋復定戶籍分
為四旗曰黃旗曰白旗曰紅旗曰藍旗以純色為

辨乙卯年以初設四旗為正黃正白正紅正藍增
設鑲黃鑲白鑲紅鑲藍四旗黃白藍均鑲以紅紅
鑲以白合為八旗每三百人設一牛录額真五牛
录設一甲喇額真五甲喇設一固山額真每固山
額真設左右梅勒額真二人以佐之天聰八年改
梅勒額真以下為章京惟固山額真如故其隨固
山額真行營馬兵定為阿禮哈超哈
此為驍騎營之始 九
年分設蒙古八旗旗色官制與滿洲八旗同崇德

二年始立漢軍二旗四年以漢軍二旗分為四旗
七年定設漢軍八旗旗色官制與滿洲蒙古八旗
同順治十六年鑄給八旗都統二十四印十七年
定制固山額真漢字稱為都統梅勒章京漢字稱
為副都統雍正元年改八旗都統印滿文固山額
真字為固山昂邦漢名如舊凡官職除授公差踐
更以上下旗為辨朝祭班列旗籍界止以左右翼
為辨京城八旗方位左翼自北而東自東而南鑲

黃旗在安定門內正白旗在東直門內鑲白旗在
朝陽門內正藍旗在崇文門內右翼自北而西自
西而南正黃旗在德勝門內正紅旗在西直門內
鑲紅旗在阜成門內鑲藍旗在宣武門內四周星
拱以環衛

宸居焉

八旗驍騎叅領滿洲旗各五人蒙古旗各二人漢軍旗

各五人

正三品

副驍騎叅領各如叅領之數

正四品

掌受都統副都統之政令以頒于佐領而行之天聰八年制管甲喇者即為甲喇章京順治八年定甲喇章京漢字稱為叅領滿字如舊康熙三十四年每甲喇增置委署叅領各一人於世爵佐領等員內選用雍正元年改為副叅領七年又增置左右司掌關防叅領旗各二人十三年省

八旗佐領滿洲六百八十一人蒙古二百有四人漢軍

二百六十六人

正四品

驍騎校每佐領下一人

正六品

掌稽所治人戶田宅兵籍以時頒其職掌初天命

元年始編置滿洲牛錄八年增編蒙古牛錄天聰

四年增編漢軍牛錄八年制管牛錄者即為牛錄

章京順治十七年定牛錄章京漢字稱為佐領分

得撥什庫漢字稱為驍騎校滿文如舊佐領所治

以三百人為率丁口滋生則遞有增設今以見數

計之滿洲佐領鑲黃旗八十六人

內二人半個佐領

正黃

旗九十三人

內一人半個佐領一人兼辦番子事務

正白旗八十六

人正紅旗七十四人鑲白旗八十四人鑲紅旗八

十六人正藍旗八十四人

內一人半
個佐領

鑲藍旗八十

八人

內一人半
個佐領

蒙古佐領鑲黃旗二十八人正黃

旗二十四人正白旗二十九人正紅旗二十二

人鑲白旗二十四人鑲紅旗二十二

人正藍旗三十

人鑲藍旗二十五人漢軍佐領鑲黃旗四十一

人正黃正白二旗各四十人正紅旗二十八人鑲白

旗三十人鑲紅正藍鑲藍三旗各二十九人佐領

之制有世襲有公中世襲佐領有四等

國初各部落長率其屬來歸授之佐領以統其衆爰
及苗裔者曰勲舊佐領其率衆歸誠功在旂常得
賜戶口者曰優異世管佐領其僅同兄弟族里來歸因
授之以職奕葉相承者曰世管佐領其戶少丁稀
合編佐領兩姓三姓迭為是官者曰互管佐領皆
以應襲者引

見除授公中佐領則因八旗戶口蕃衍於康熙十三年

以各佐領撥出餘丁增編佐領使旗員統之有缺則以本旗不兼部務之大臣世爵及五品以上文武官內簡選除授焉滿洲蒙古每佐領下領催五人驍騎二十人弓匠一人鞍匠或鐵匠一人漢軍每佐領下亦領催五人鳥鎗驍騎四十一人擡鹿角兵八人每旗藤牌兵一百人礮手四十人

印務叅領滿洲旗各二人蒙古旗各一人漢軍旗各二人

人

於本旗叅領內選充

印務章京滿洲旗各八人蒙古旗各四人

漢軍旗各六人

於佐領曉騎校
世職內選充

印務筆帖式滿洲旗各

八人蒙古旗各四人漢軍旗各六人

於生監甲
兵內選充

隨印外

郎滿洲漢軍旗各一人蒙古旗各二人

於漢軍官學
生內考充

掌章疏文移案牘及繙譯行遣之事雍正七年每

旗設左右司掌關防叅領章京及司務等員十三

年俱省改設印務叅領章京筆帖式員額乾隆元

年定

謹案今制八旗有值年公署歲列都統副都統

銜名奏請

簡派掌八旗會理之事選左右翼官校之賢能者分治之領催驍騎掌書鈔各舉職以從其長課事考成歲終則會已結未結之事彙疏以

聞所屬之稱職者於每歲更代日咨本旗以應陞註冊立法最為詳備謹附識於此

歷代建置

謹案歷代兵制因革紛殊而推其建置之由大

抵實同名異其有出于特創無所因襲而足為
億萬世法程者則我

朝八旗之制是也敬惟

國家神武開基

龍興之初建旗辨色用飭戎行厥後歸附既衆即
按行軍旗色以定戶籍先立四旗尋增建為八
旗然猶統滿洲蒙古漢軍而合于一迨後戶口
日繁乃次第編置蒙古漢軍八旗合為二十四

旗制度詳備及

定鼎京師分田授宅辨方正位在內則有親軍前鋒
護軍驍騎步軍之分在外則有各直省駐防之
制而悉統之以八旗設官分職教養生成蓋以
旗統人即以旗統兵凡在隸乎旗者皆可以為
兵非如前代有僉派召募之煩而後收兵之用故
不見異而遷則其心純壹相觀摩而善則其氣
果敢居則環衛周防出則折衝禦侮臂指之使

磐石之固洵可超越百代垂治億年規制之善
實從來所未有非若他官遞相依仿有沿革之
可言謹以周官大司馬職及列史兵志所載詳
悉參證惟周之鄉遂出軍兵農合一者立法最
為相近秦漢而下改用募軍饋餉日以滋繁兵
民不復相習非驕即弱職此之由雖其得失亦
有不同而以視今八旗定制俱不啻判若天淵
並無可比擬於萬一者求其約畧近似則獨唐

之折衝果毅府差相仿佛而北魏之八部大人
遼之諸部族節度使金之諸明安穆昆亦猶有
大輅椎輪之意謹各加採摭著之於篇而其餘
諸代之無可比附者則並闕而不載亦以見

聖人首出顯庸剏制其精意所在固有度越古今無能
媿美者爾

三代

周禮夏官凡制軍萬有二千五百人為軍王六軍

軍將皆命卿二千五百人為師師帥皆中大夫五百人為旅旅帥皆下大夫百人為卒卒長皆上士二十五人為兩兩司馬皆中士五人為伍伍皆有長一軍則二府六史胥十人徒百人鄭康成注軍師旅卒兩伍皆衆名也伍一比兩一閭卒一族旅一黨師一州軍一鄉家所出一人將帥長司馬者其師吏也凡軍師不特置選於六官六鄉之吏自卿以下德任者使兼官焉

周禮地官大司徒卿一人小司徒中大夫二人鄉師下大夫四人鄉老二鄉則公一人鄉大夫每鄉卿一人州長每州中大夫一人黨正每黨下大夫一人族師每族上士一人閭胥每閭中士一人比長五家下士一人大司徒之職令五家為比使之相保五比為閭使之相受四閭為族使之相葬五族為黨使之相救五黨為州使之相賙五州為鄉使之相賓小司徒之職會萬民之卒伍而用之五

人為伍五伍為兩四兩為卒五卒為旅五旅為師
五師為軍以起軍旅以作田役以比追胥以令貢
賦鄉大夫之職各掌其鄉之政教禁令州長各掌
其州之教治政令之法黨正各掌其黨之政令教
治族師各掌其族之戒令政事閭胥各掌其閭之
徵令比長各掌其比之治○遂人中大夫二人遂
師下大夫四人上士八人中士十有六人旅下士
三十有二人府四人史十有二人胥十有二人徒

百有二十人遂大夫每遂中大夫一人縣正每縣
下大夫一人鄙師每鄙上士一人鄴長每鄴中士
一人里宰每里下士一人隣長五家則一人遂人
掌邦之野造縣鄙形體之法五家為隣五鄰為里
四里為鄴五鄴為鄙五鄙為縣五縣為遂皆有地
域溝樹之以歲時稽其人民而授之田野簡其兵
器教之稼穡以歲時登其夫家之衆寡及其六畜
車輦辨其老幼廢疾與其施舍者以頒職作事以

令貢賦以令師田以起政役遂師各掌其遂之政
令戒禁遂大夫各掌其遂之政令縣正各掌其縣
之政令徵比以頒田里以分職事掌其治訟趨其
稼事而賞罰之鄙師各掌其鄙之政令祭祀鄴長
各掌其鄴之政令里宰掌比其邑之衆寡與其六
畜兵器治其政令鄰長掌相糾相受凡邑中之政
相贊

崔靈恩三禮義宗周制天子六鄉六遂諸侯大國

三鄉三遂小國一鄉一遂鄉及遂各萬二千五百
家鄉內則立比閭族黨州鄉之名遂內則立鄰里
鄣鄙縣遂之名俱有六等異其屬官之名者別內
外也

易祓周禮總義先王軍制調兵必五數出兵必百
數五家為比則五人之伍五比為閭則五伍之兩
以至五黨為州則五旅之師五州為鄉則五師之
軍其積數實起于五人之伍不五數不足以調兵

也百人之卒成一小陳五百人之旅成一中陳二千五百人之師成一大陳萬二千五百人之軍成五大陳其積數實起于百人之卒不百數不足以出兵也

孔穎達春秋正義家出一人故鄉為一軍天子六軍出于六鄉大國三軍出於三鄉古者用兵天子先用六鄉六鄉不足取六遂六遂不足取公卿采邑及諸侯邦國若諸侯出兵先盡三鄉三遂鄉遂

不足然後總征境內之兵

漢書刑法志殷周以兵定天下天下既定設六軍之衆因井田以制軍賦地方一里為井井十為通通十為成成方十里成十為終終十為同同方百里同十為封封十為畿畿方千里有稅有賦稅足以食賦足以兵

陳祥道禮書先王之於家也既以五家為比為鄰積之至萬二千五百家為鄉為遂其於人也既以

五人為伍為兩積之至萬二千五百人而又十家
為聯以聯其居十人為聯以聯其事如此則居作
相友戰守相衛有同心而無離德也管子相齊使
居則五家為軌十軌為里十里為連十連為鄉出
則五人為伍十伍為戎十戎為卒十卒為旅蓋先
王之遺制然也

謹案我

朝八旗之設實前古所未有而詳繹立法之意

以上稽列代則惟成周之鄉遂制軍其規模頗有相似者蓋周人以田定賦以賦出兵征伐隸之司馬伍籍屬之司徒居則為比閭族黨州鄉鄰里鄩鄙縣遂以定戶役出則為伍兩卒旅師軍以敵王愾其兵即六鄉六遂之民其官即鄉大夫遂大夫州長縣正之屬法令簡而心志壹故其恩足相恤義足相救服容相別音聲相識無事則各安其作息之常有事則戰無不克洵

一代之良法也特是周制王畿千里為六十四萬井五百一十二萬家家一夫為五百一十二萬夫以此夫衆而供萬乘之賦為七家而賦一兵則亦未必民皆可戰

國家八旗分建教育精詳凡在隸籍於旗者無不可以膺折衝之選其風俗淳厚有勇知方視周之盛時較為過之至於設官分職則雖不襲古制而自有相合者如今之都統副都統頗近鄉

師鄉大夫遂人遂師遂大夫之職叅領副叅領
頗近州長縣正黨正鄙師之職佐領頗近族師
間胥鄮長里宰之職驍騎校頗近比長鄰長之
職而小司徒所謂以起軍旅以作田役以比追
胥以令貢賦者其職掌所在亦復約畧相同仰
見

聖朝制作建諸天地考諸三王洵所謂揆一源同若
合符節者矣

周禮夏官司常師都建旗

周禮地官遂人若起野役則令各帥其所治之民而至以遂之大旗致之

劉熙釋名熊虎為旗旗期也軍將所建象其猛如熊虎與衆期其下也

謹案史記天官書正義河鼓兩旗左旗九星在河鼓左右旗九星在河鼓右皆天之旗鼓以為旌表又九旂九星在玉井西南則天子之兵旗

也故自古聖人皆憲天垂象以旗為蒞軍徵衆之物

本朝始立八旗其取義實本於此謹附識大畧以明

昭代勦建隆規有與天地合其德者也

秦

未置

漢

未置

三國

未置

晉

司馬光資治通鑑晉孝武帝太元八年秦王堅拜
秦州主簿趙盛之為少年都統胡三省注都統官
名起於此

謹案秦王堅選良家子年二十以下有材勇者
拜羽林郎得三萬餘騎故為趙盛之特設是官
以領之與八旗之制本不相合然都統官號實
肇見於此故附載以著權輿所自焉

宋齊梁陳

未置

北魏

魏書官氏志昭成即位諸方雜人來附者總謂之
烏丸各以多少稱酋庶長分為南北部復置二部
大人以統攝之時帝弟觚監北部子實君監南部
分民而治若古之二伯焉太祖登國元年因而不
改南北猶置大人對治二部是年置都統長領殿
內之兵天興元年十二月置八部大人於皇城四

方四維面置一人以擬八座謂之八國天賜元年十一月以八國姓族難分故國立大師小師令辨其宗黨品舉人才四年增置侍官命取八國良家有器望者充之

資治通鑑宋高祖永初三年魏典東西部劉絜營陽王景平元年魏世祖以襄城公盧魯元會稽公劉絜司衛監尉眷散騎常侍劉庫仁等八人分典四部胡三省注四部東西南北四部也魏初置四

部大人坐王庭決辭訟以言語約束刻契紀事無
圖圖考訊之法犯罪者皆臨時決遣後又有八部
大人既得中原建平城為代郡分布八部於畿內
魏書太祖本紀登國元年以長孫嵩為南部大人
叔孫普洛為北部大人天賜三年發八部男丁築
澤南宮

魏書賀狄干列傳稍遷北部大人登國初與長孫
嵩為對

謹案魏書稱北魏初安帝統國諸部有九十九姓至獻帝時七分國人使諸兄弟各攝領之乃分其氏七族之興自此始其後又分南北部又分為南北東西四部各置大人尋又改為八部謂之八國亦設大人以領之其制頗與今八旗相近其各部大人即如今之都統而八國各置大師小師即如今之叅領佐領也特當時規制率畧遷洛以後頓忘舊風八部之在平城者無

所統率以致六鎮淪胥政歸高氏代都舊姓竟不能共效干城亦可以見其建置之不善矣至魏以都統長領殿內之兵則都統已為常設之職亦與符秦之以行軍暫置者不同也

北齊

未置

後周

馬端臨文獻通考周太祖輔西魏時用蘇綽言始仿周典置六軍籍六等之民擇魁健材力之士以

為之首盡蠲租調而刺史以農隙教之合為百府
每府一郎將主之分為二十四軍開府各領一軍
大將軍凡十二人每一將軍統二開府一柱國主
二大將軍復加持節都督以統焉凡柱國六員衆
不滿五萬人

謹案後周始仿三代寓兵於農之意創設府兵
雖其初亦籍民為之與今八旗之制不合然其
上下統治之法亦頗有相近者蓋郎將主一府

如今之佐領開府領一軍如今之叅領而柱國大將軍則今之都統副都統也

隋

隋書百官志親衛府置開府一人有長史司馬錄事及倉兵等曹參軍法曹行參軍各一人行參軍三人諸府皆領軍坊每坊置坊主一人佐二人每鄉團置團主一人佐二人煬帝即位改諸鷹揚府驃騎為鷹揚郎將車騎為鷹揚副郎將鷹揚每府

置越騎校尉一人掌騎士步兵校尉二人領步兵
又改副郎將並為鷹擊郎將

文獻通考隋兵制仍周府兵之舊而加潤色諸府
之兵有郎將副將坊主團主以相統治又別置折
衝果毅此府兵之大畧也

謹案隋仍用府兵之制其郎將以下諸官與後
周畧同惟坊主團主則後周所未及蓋使各掌
其坊團之事正如周官之有比長鄰長也

唐

新唐書韋武德初始置軍府以驃騎車騎兩將軍府領之折關中為十二道皆置府置將副各一人以督耕戰以車騎府統之六年以天下既定遂廢十二軍改驃騎曰統軍車騎曰別將居歲餘十二軍復而軍置將軍一人軍有坊置主一人以檢察戶口勸課農桑太宗貞觀十年更號統軍為折衝都尉別將為果毅都尉諸府總曰折衝府凡天

下十道置府六百三十四皆有名號而關內二百六十有一皆以隸諸衛凡府三等兵千二百人為上千人為中八百人為下府置折衝都尉一人左右果毅都尉各一人長史兵曹別將各一人校尉六人士以三百人為團團有校尉五十人為隊隊有正十人為火火有長火備六馱馬凡火具烏布幕鐵馬孟布槽鋪鐙鑿碓筐斧鉗鋸皆一甲牀二鎌二隊具火鑽一冒馬繩一首羈足絆皆三人具

弓一矢三十胡祿橫刀礪石大觶氊帽氊裝行膝
皆一麥飯九斗米二斗皆自備并其介冑戎具藏
於庫有所征行則視其入而出給之其番上宿衛
者惟給弓矢橫刀而已凡民年二十而兵六十而
免其能騎而射者為越騎其餘為步兵武騎排攢
手步射其隸於衛也左右衛皆領六十府諸衛領
五十至四十其餘以隸東宮六率凡發府兵皆下
符契州刺史與折衝勘契乃發若全府發則折衝

都尉以下皆行不盡則果毅行少則別將行當給馬者官予其直市之刺史折衝果毅歲閱不任戰事者驚之以其錢更市不足則一府共足之凡當宿衛者番上兵部以遠近給番五百里為五番千里七番一千五百里八番二千里十番外為十二番皆一月上若簡留直衛者五百里為七番千里八番二千里十番外為十二番亦月上元宗開元六年始詔折衝府兵每六歲一簡自高宗武后時

天下久不用兵府兵之法寢壞番役更代多不以
時衛士稍稍亡匿至是益耗散宿衛不能給宰相
張說乃請一切募士宿衛天寶以後折衝諸府至
無兵可交李林甫遂請停上下魚書其後徒有兵
額官吏而戎器馱馬鍋幕糗糧並廢矣初府兵之
置居無事時耕於野其番上者宿衛京師而已若
四方有事則命將以出事解輒罷兵散於府將歸
於朝故士不失業而將帥無握兵之重所以防微

漸絕禍亂之萌也及府兵法壞而方鎮盛武夫悍將雖無事時據要險專方面既有其土地又有其人民又有其甲兵又有其財賦以布列天下然則方鎮不得不強京師不得不弱故曰措置之勢使然者以此也

新唐書百官志諸衛折衝都尉府每府折衝都尉一人左右果毅都尉各一人別將各一人長史各一人兵曹參軍事各一人校尉五人旅帥十人隊

正二十人副隊正二十人折衝都尉掌領屬備宿衛師役則總戎資糧點習以三百人為團一校尉領之左右果毅都尉掌貳都尉每府錄事一人府一人史二人

謹案唐之府兵一寓於農其居處教養畜材待事動作休息皆有節目說者謂歷代以來最為良法推其所自蓋亦本周官鄉遂出軍之法而變通之而其兵皆隸十六衛以番上宿衛則與

今親軍前鋒護軍之皆統于八旗其規制亦頗有相似者特十六衛將軍專領禁兵近今領侍衛大臣及前鋒護軍統領之職而不可以當八旗都統惟折衝果毅二都尉各領一府雖其秩止四品而以職掌論之實為今都統副都統之比故當時大將如薛仁貴王忠嗣郭知運張守珪哥舒翰邢君牙段秀實王方翼楊朝晟等皆曾領此職亦可知其選之非輕矣至別將如今

叅領每團各一校尉如今佐領而隊正如今之
驍騎校其體制大小亦有差相仿佛者謹並著
之於表以見唐代府兵散居諸道遠不及我
朝之八旗勁旅環拱京城而史稱其番調有時教
閱有法統御有律團伍有籍則其制兵之術固
猶為彼善於此也

舊唐書百官志都統乾元中始置或總五道或總
三道上元末省大中後討徐州以康承訓討黃巢

以王鐸皆為都統

李涪刊誤辛丑歲大駕在蜀以巨寇未殄命中書令王鐸仗節鎮滑臺且統關東諸將收復京國時有論曰京西北言統者三四人慮不稟鐸之節制宜立其號曰都都統自秦漢已降將相統戎蓋多無有都都統之號所引故事則曰先帝時命李可及為都都知此則故事也然中令急於殄寇不以是為辱曷不曰諸軍四面行營都統制帥之號莫

過於斯

資治通鑑僖宗中和二年以王鐸兼中書令充諸道行營都都統通鑑考異舊紀傳新傳鐸為都都統新紀作都統實錄初除及罷時皆為都統中間多云都都統又西門思恭為都都監按此時諸將為都統者甚多疑鐸為都都統是也

王應麟玉海唐天寶末置天下兵馬大元帥都統朔方盧龍節度都統之名始於此乾元元年李岷

為都統淮南江東西節度使都統之官始於此唐制或總五道或總三道又有行營都統副都統一時兵興稱謂不一

葉夢得石林燕語唐乾元中以戶部尚書李岷為都統淮南江東江西節度使始立都統之號其後以節度使充者建中二年李勉以汴州節度使充汴宋滑毫河陽等道都統是也宰相充者中和二年王鐸以司徒中書令為京城四面諸道行營兵

馬都統是也

謹案唐時始以都統為軍帥之號惟仗鉞專征者始得授以此職與今八旗都統不同然稱名沿革所由未可槩畧今併附識於此

五季

未置

宋

未置

遼

遼史營衛志部落曰部氏族曰族契丹故俗分地

而居合族而處有族而部者五院六院之類是也

有部而族者奚王室韋之類是也有部而不族者

托里

蒙古語鐘也原
作特里今改正

特默

蒙古語駝也原
作特勉今改正

刷

滿洲
語山

後叢林也原作
稍瓦今改正

哈準

滿洲語器械之械也
原作葛木今改正

之類是

也有族而不部者約尼

滿洲語全也原
作達輦今改正

九帳皇族

三父房是也契丹之初草居野次靡有定所至聶

呼

滿洲語單弱也原
作涅里今改正

始置部族各有分地太祖之

興以德呼勒

索倫語臉也原
作迭剌今改正

部強熾析為五院六

院奚六部以下多因俘降而置勝兵甲者即著軍籍分隸諸路詳袞統軍招討司各安舊風徂習勞事不見紛華異物而遷故家給人足戎備整完虎

視四方强朝弱附部族實為爪牙云○遼内四部

族約尼九帳族橫帳三父房族國舅帳巴哩伊蘇

濟勒

蒙古語巴哩執長也伊蘇九數也濟勒年也原作拔里乙室已今改正

族國舅

部族○太祖二十部二國舅升帳分止十八部五

院部隸北府錫林

滿洲語精銳也原作石烈今改正

四六院部隸

北府錫林四伊實

唐古特語智慧也原作已室今改正

部隸南府錫

林二丕勒

滿洲語數衍也原作品今改正

部屬西北路招討司錫

林二卓特

原作緒特今從八旗氏族通譜改正

部屬西北路招討司

錫林二威

唐古特語叢林也原作烏隗今改正

部屬東北路招討司

錫林二納喇

原作湮刺今從八旗氏族通譜改正

部屬西南路招討

司錫林二圖魯卜

蒙古語形勢也原作奕呂不今改正

部屬西北路

招討司錫林二圖吉

滿洲語靈也原作奕舉今改正

部隸南府錫

林二奚王六部五帳分隸北府○聖宗三十四部

以舊部族置者十六增置十八

遼史百官志部族詳見營衛志設官之制具如左

○大部族○某部大王本名額爾奇木

蒙古語貴也原作夷

離莫今改正

某部左宰相某部右宰相某部太師某部

太保某部太尉某部司徒本名特哩袞

蒙古語頭也原作惕

隱令改正

○某部節度使司某部節度使某部節度副

使某部節度判官○某部族詳袞司某部族詳袞

某部族都監某部族將軍某部族小將軍○某錫

林某錫林額爾奇木某錫林瑪爾布

唐古特語紅色也原作麻

善今改正

亦曰馬步本名錫林達爾罕

蒙古語凡有勤勞者免其差役

之謂原作達到于今改正

某錫林牙書○某密拉

滿洲語洞開也原作彌里

今改正

密拉鄉也某密拉詳衮本曰穆特布

滿洲語令其成

就也原作馬特本今改正

○小部族○某部族司徒府某部族

司徒某部族司空○某部族節度使司○某部族

詳衮司○某錫林詳衮

原作全穩今改正

瑪爾布牙書○

某密拉詳衮

謹案遼部族有大小之分又多分居邊境兼轄於統軍招討各司與今八旗之制較為不同然設官分職其規模亦頗相近如諸部所屬之錫林其數互有多寡蓋即如今之編設佐領而帳分諸部族則如今之有三旗也

遼史百官志遼北面行軍官有行軍都統所行軍都統行軍副都統

謹案都統副都統之名至遼而始備金初之伐

遼也以貝勒果為內外諸軍都統宗翰宗磐副
之而伐宋之役以宗望為南京路都統劉彥宗
為漢軍都統其餘軍官多用此名蓋亦沿遼之
制而加詳者也

金

金史兵志金之初年諸部之民無它徭役壯者皆
兵平居則聽以佃漁射獵習為勞事有警則下令
部內及遣使詣諸貝勒

滿洲語管理家人之
稱原作李董今改正

徵兵

凡步騎之仗糗皆取備焉其部長曰貝勒行兵則

稱曰明安穆昆

解俱見理藩院即
仿佛今之佐領

從其多寡以為

號穆昆之副曰富祿伊

滿洲語多餘也原作滿里
衍今改正即仿佛今之驍

騎校也

士卒之副從曰伊勒希

滿洲語副也原作
阿里喜今改正

部

卒之數初無定制至太祖即位之二年既以二千

五百破耶律色寶

滿洲語豆麵剪子股
也原作謝十今改正

始命以三

百戶為穆昆穆昆十為明安繼而諸部來降率用

明安穆昆之名以授其首領而部伍其人出河之

戰兵始滿萬而遼莫能敵矣及東京既平山西繼

定內收遼漢之降卒外籍部族之健士嘗用遼人

額哩頁

蒙古語花紋也原作訛里野今改正

以北部百三十戶為一

穆昆漢人王六兒以諸州漢人六十五戶為一穆

昆王伯龍及高從祐等並領所部兵為一明安至

天會二年宗望恐風俗糅雜民情弗便乃罷是制

諸部降人但置長吏以下從漢官之號五年伐宋

之役調燕山雲中中京上京東京遼東平州遼西

長春八路民兵隸諸萬戶其間萬戶亦有專統漢軍者熙宗皇統五年又罷遼東漢人渤海明安穆昆承襲之制浸移兵柄於國人乃分明安穆昆為上中下三等宗室為上餘次之至海陵庶人天德二年省併中京東京臨潢咸平泰州等路節鎮及明安穆昆削上中下之名但稱為諸明安穆昆循舊制間年一徵發以補老疾死亡之數貞元遷都遂徙上京路太祖遼王宗幹秦王宗翰之明安併

為哈濟

解其領侍衛篇

明安及右諫議沃哩布

滿洲語存留也原作

烏里布今改正

明安太師最宗正宗敬之族處之中都沃

倫

滿洲語馬肚帶也原作幹論今改正

和尚呼喇

蒙古語兩也原作胡判今改正

三

國公太保昂詹事烏哩頁

蒙古語請也原作烏里野今改正

輔國

博勒和

滿洲語潔淨也原作勃魯骨今改正

定遠蘇勒庫

滿洲語花架也原作

許烈故今改正

果國公伯特

滿洲語無能為者之稱原作勃逸今改正

八明安

處之山東阿魯

蒙古語山陰也原作阿魯今改正

之族處之北京

語達

滿洲語夥伴也原作按達今改正

族屬處之河間皆授田牛

使之耕食以藩衛京國世宗大定初散契丹隸諸

明安穆昆十五年遣吏部郎中富察烏琿

富察原
作蒲察

今從八旗氏族通譜改正烏琿滿
洲語包裹也原作兀虎今改正

等十人分行天

下再定明安穆昆戶每穆昆戶不過三百七穆昆

至十穆昆置一明安二十年以祖宗平定天下以

來所建立明安穆昆因循既久其間有戶口繁簡

地里遠近不同又自正隆之後所授無度及大定

間亦有功多未酬者遂更定以詔天下復命新授

者並令就封其穆昆人內有六品以下職及諸局

承應人皆為遷之三從以上族人願從行者明安

不得過十戶穆昆不得過六戶二十一年詔遣大

興尹完顏托果斯

蒙古語孔雀也原
作地古速今改正

遷河北東路

兩明安上曰朕始令移此欲令與女直戶相錯安

置久則自相姻親不生異意此長久之利也今者

伊瑪

蒙古語小羊也原
作移馬今改正

河相錯以居甚符朕意而

約羅

蒙古語藏狗也原
作達落今改正

河明安不如此可再遣兵

部尚書張納延

蒙古語八十數也原作那也今改正

按視其地以雜

居之二十三年遷山東東路八穆昆處之河間其

棄地以山東東路特赫

滿洲語潦水也原作威黑今改正

河明安

下扎哈

滿洲語刀船也原作燕答今改正

穆昆額勒敏

滿洲語劣馬也原作

移里間今改正

鄂勒歡

滿洲語乾燥也原作魯渾今改正

明安下錫布

滿洲

語今塞也原作禽浦今改正

穆昆佛們

滿洲語唇也原作付母溫今改正

山穆

昆九村人戶徙于瑠僧安和二穆昆之舊地上嘗

以率賓呼爾哈

解具來天將軍篇

人驍勇可用二十四年

以上京地廣而腴遂遷率賓一明安呼爾哈一明
安二十四穆昆以實之蓋欲上京兵多它日可為
緩急之備也當其時多易置河北山東所屯之舊
括民地而為之業戶頒牛而使之耕畜甲兵而為
之備乃大重其權授諸王以明安之號或新置者
特賜之名制其奢靡禁其飲酒習其騎射儲其糧
糗其備至嚴也是時宗室戶百七十明安二百二
穆昆千八百七十八戶六十一萬五千六百二十

四所謂渤海軍則渤海八明安之軍所謂奚軍者

奚人約尼扎古雅

蒙古語欲咬之謂原
作昭古牙今改正

九明安之

兵也

金史百官志諸明安

穆昆
隸高

明安從四品掌修理軍

務訓練武藝勸課農桑司吏四人譯一人塔瑪

索倫

語行團收合也原
作捷馬今改正

差役人數並同舊例諸穆昆從

五品掌撫輯軍戶訓練武藝女直司吏一人譯一

人塔瑪

○諸部族節度使節度使一員從三品統

制各部鎮撫諸軍節度副使一員從五品判官一

員知法一員○諸紉詳衮一員從五品掌守戍邊

堡餘同穆昆皇統八年六月設本班左右詳衮定

為從五品默濟格

滿洲語傳信之謂也
原作麼忽今改正

一員從八

品掌貳詳衮司吏三人實納昆

蒙古語實納新也
昆人也原作習尼

昆今改正掌本紉差役等事塔瑪隨從也○諸額爾奇

木

解見上

司額爾奇木一員從八品分掌部族村寨

事司吏女直一人漢人一人實納昆塔瑪○諸圖

哩

滿洲語豆也原作禿里今改正

圖哩一員從七品掌部落詞訟

訪察違背等事女直司吏一人通事一人

謹案金之部伍似近本

朝八旗子弟兵以其三百戶為穆昆穆昆十為明
安與今之叅領佐領相近其以契丹漢人及渤海
海軍奚軍俱設明安與今之蒙古漢人並列八
旗相近然天會以後屢設屢罷又散處中都上
京西京河北山東河東陝西諸州縣此疆彼界

失所統轄法制未能嚴密稽核未能精詳其視
我

朝八旗之部伍整肅體制相維盡統領之方效指
臂之用不可同日語也遼制有部有族部族所
屬有錫林元亦有蒙古軍特默齊軍於編置部
伍規模亦約畧近似顧條制尚多踈畧豈如我
朝規制以旗隸人即以旗隸兵統之以八分之以
二十四意精法善備極嚴密可以為億萬世法

則乎

元

元史兵志元初有蒙古軍特默齊

蒙古語牧駝人也原作探馬赤

今改正

軍蒙古軍皆國人特默齊軍則諸部族也其

法家有男子年十五以上七十以下無衆寡盡僉

為兵十人為一牌設牌頭上馬則備戰鬥下馬則

屯聚牧養孩幼稍長又籍之曰漸丁軍既平中原

發民為卒是為漢軍或以貧富為甲乙戶出一人

曰獨戶軍合二三而出一人則為正軍戶餘為貼
軍士卒之家為富商大賈則又取一人曰餘丁軍
或取匠為軍曰匠軍或取諸侯將校之子弟充軍
曰質子軍又曰圖嚕格

蒙古語質物也原
作禿魯華今改正

軍是皆

多事之際一時之制天下既平嘗為軍者定入尺
籍伍符不可更易以兵籍係軍機重務漢人不閱
其數雖樞密近臣職專軍務者惟長官一二人知
故有國百年而內外兵數之多寡人莫有知之者

謹案元之軍制本由僉發故隨時調遣並無一定之籍其所謂蒙古軍特默齊軍者亦但有是名其實征戍之法與漢軍無殊未嘗別為條制也

明

未置

謹案明代京兵三大營曰五軍曰三千曰神機後變為十二團營又變為兩官廳其兵則糾集市僧全無紀律其提督坐營等官亦多世胄紈

誇雖其制亦畧似我

朝之步軍統領管轄五營而軍務盡領於內監腐
身熏子掣肘戎行至營中將卒類為中官私人
毫不知兵濫耗名糧注名買替濶充冊籍一旦
有事相率潰奔將不知兵兵不習將所謂三大
營者有其名而失其實京兵之弱莫有如明代
之甚者蓋緣明制召募烏合本無部伍子弟可
備簡擇之人遼金元有其人而立法未臻詳備

豈如我

國家八旗勁旅法良制密平時則守衛巡防征討
則折衝禦侮有治人且有治法者乎明之京兵
營制雖不可與八旗同言並論要其因仍積弱
不能自振可為鑒戒故特附著於此以揭其弊
焉

欽定歷代職官表卷四十四